

M148: Kölner Morgensegen

0,2 ich bevelhe dich hiute N . deme almehtigen gote .
0,3 den selben triuwen daz hê sîne muoter sente Johanne
0,4 bevalh unde an di selben genâde sô hê sînen geist .
0,5 sîneme vater bevalh . dô hê an deme heiligen kriuze solte
0,6 sterben . unde in di selben genâde unde mit den selben
0,7 triuwen . dô her sente Marien ime selbeme zuo einer
0,8 muoter erkôs . unde [si] in zuo eineme sune . unde in di genâde
0,9 dâ ime der guote Jakop sînen sun bevalh . dô hê in zuo
0,10 Egipten in daz lant . sante . unde in die selben genâde . sô
0,11 der guote Tobîas sînen sun bevalh . dô hê in sante in daz
0,12 lant ze Mêdenrîche . ich bevelhen dich N . dem almehtigen
0,13 gote unde in sîne heiligen hant . ich bevelhen dich hiute
0,14 N . den heiligen vûnv wunden . unses hêrren . ich bevelhen
0,15 dich . N . deme getriuweme sente Petere . unde in di selben
0,16 genâden sô ime der heilige Krist . sîne schâf bevalh . unde di
0,17 slûzzele des himeles . ich bevelhen dich N . sente Johannî
0,18 unde in di genâde sô hê ime sîne muoter bevalh . ich bevelhen
0,19 dich hiute . N . den heiligen worten unses hêrren . daz
0,20 hiute dechein vîant dir en mûge geschaden . gesihtic noch
0,21 ungesihtic mit deme heiligen vater . unde mit deme
0,22 sune unte deme heiligen geiste . mit der heiliger – duo
0,23 hê von deme himele zuo der erden vuor . unde von der
0,24 erden zuo deme himele . si sîn hiute gebunden . daz si ougen
0,25 en haben dâ mite hê gesien mûge daz dir schaden . [mûge] daz
0,26 si den munt niet en haben daz si niet en sprechen daz dir
0,27 schaden mûge . daz si di ôren niet haben en mûezen . daz
0,28 si gehoeren daz daz dir schaden en mûge . daz si daz
0,29 herze niet en haben . daz si gedenken . dechein dinc daz
0,30 dir schaden mûgen . daz sîn hende sîn abe sîn gehouwen
0,31 daz si niet en rûeren daz dir schaden mûge . daz si niet
0,32 vuoze en haben zuo gânne . joch zuo stânne . daz dir schaden
0,33 mûge . der vile heiligen zesewen unses hêrren des
0,34 almehtigen gotes dem bevelhen ich hiute dînen lîp . unde dîne
0,35 sêle und dîne wereltlich êre . daz dû mit genâden unde mit
0,36 êren mûezes leben âne sünde âne schande . unde âne übel .
0,37 mit vrôuweden dînes lîbes . unde dîner sêlen . und dîner . wereltlich
0,38 êren âmen .